

**НЕДЕЛЯ ПРЕД РОЖДЕСТВОМ ХРИСТОВЫМ, СВЯТЫХ ОТЕЦ,  
НА МАЛЕЙ ВЕЧЕРНИ:**

**Стихиры воскресны, и Богородицы, по обычаю.  
на Господи воззвах стихиры воскресны 3, повторяюще едину.**

**Слава, и ныне, Богородичен, догматик. Глас 3:**

Превелие чудо: / Дева рождшая, и рожденное Бог прежде век, /  
предъявленное рождение, и совершенное паче естества. / О таинства страшнаго! /  
еже и мыслимое неизреченно пребывает, / и зримое не поемлется. / Блаженна Ты  
еси Пречистая Отроковице, / Адама земнаго дщи, / и Бога Вышняго явльшаяся  
Мати: / Того моли, спаситися душам нашим.

**Таже, Свете тихий:**

**Посем прокимен: Господь воцарися: трижды.**

**Стих: Облечеса Господь в силу, и препоясая.**

**Таже, Сподоби Господи в вечер сей:**

**иерей же ектении не глаголет,**

**но поем на стиховне стихиру воскресну, гласа (1):**

**Таже (3) Богородичны подобны. Гласа.**

**Стих: Помяну имя Твое во всяком роде и роде.**

**Стих: Слыши Дщи и виждь, и приклони ухо Твое.**

**Стих: Лицу Твоему помолятся богатии людстии.**

**Слава, и ныне, Богородичен. Гласа:**

**Таже, Ныне отпускаеши:**

**Трисвятое. И по Отче наш:**

**тропарь воскресен.**

**Слава, и ныне, Богородичен его,**

**и отпуст.**

## **НА ВЕЛИЦЕЙ ВЕЧЕРНИ:**

**На Господи возвах стихиры воскресны (4):**

**Стихиры предпраздства, глас 6.**

**Подобен: Всю отложивше:**

**Стих:** *Аще беззакония назриши Господи, Господи, кто постоит? Яко у Тебе очищение есть.*

**Незаходимое Солнце / из девственных ложесн возсияти идет, / просветити всю подсолнечную, / чистыми очесы и чистыми деяньми, / срести Сего потщимся и подъяти ныне уготовимся Духом, / грядущаго во Своя, странным рождеством якоже благоволи: / яко да устранимся / ны едемскаго жития, / возведет яко благоутробен, / в Вифлееме раждается.**

**Стих:** *Имене ради Твоего потерпех Тя Господи, потерпе душа моя в слово Твое, упова душа моя на Господа.*

**На плечах носимый херувимских Бог Слово, / плоти по Ипостаси соединився, / во всенепорочное чрево вселися, и бысть Человек: / и на землю грядет, / от Иудова племени родитися. / Вертеп свят Всецарю благоукрасися, / яко величайшая палата: / ясли же яко престол огнезрачен: / в нихже яко Младенца, / Дева Мариа полагает, / во обновление создания, / Неопределеннаго.**

**Стих:** *От стражи утренния до нощи, от стражи утренния, да уповае Израиль на Господа.*

**В безсловесных яслех Тя полагает Дева, / Божие Слово безначальное, / начало приемшее паче ума: / мое бо разрешити безсловесие грядеши, / еже подъях завистию зминою: / пеленами же повитися, яко да расторгнеши рубы, / и пленицы прегрешений моих, едине Блаже и Человеколюбче. / Темже Тя славлю, / пою и поклоняюся прерадостно во плоти пришествию Твоему, / имже свободихся.**

**Стихиры святых отцев. Подобен тойже:**

**Стих:** *Яко у Господа милость, и многое у Него избавление: и Той избавит Израиля от всех беззаконий его.*

**Явися мира концем праотцев память, / света истинно исполнена, / и зарями благодати сияющи, / Христос бо Солнце светлое, / свыше просияв издалеча, / звезд собор ведет, с Ним возсиявший: / и рождество Богочеловечное является внутрь Вифлеема быти. / Все убо верую Сего рождество, / благочестно плещуще ликуим, / хвалу предпразднственную.**

**Стих:** *Хвалите Господа вси языцы, похвалите Его вси людие.*

**Славою украшаются Божественнаго причастия, / Адам радуяся днесь, / яко основание и утверждение праотцев мудрых: / совзыграет же Авель, и Енох веселится, / и ликует Сиф, и Ное купно: / с патриархи же поет Авраам всехвальный: / и рождение без Отца ныне Мелхиседек видит свыше. / Темже божественную память / Христовых праотцев и мы совершающе молим, / спастися душам нашим.**

**Стих:** Яко утвердися милость Его на нас, и истина Господня пребывает во век.

Облиста весело иже в печи детей богомудрых собор, / и Христово рождество проповедует на земли: / яко бо честная роса низшед Господь, / Рождшую спасает неопальну, / соблюдает непорочну, / и обогащает Божественными дарованиями. / Темже и богоприятный радуется Даниил веселяся: / камень бо из горы несечен провидя яве, / со дерзновением молится ныне о душах наших.

### **Слава, отцев, глас 6:**

Даниил муж желаний, / камень без руки отсечен видев Тя, Господи, / Младенца без семене рожденна, / пронарече Тя из Девы воплощенна Слова, / неременнаго Бога, / и Спаса душ наших.

### **И ныне, предпраздства, глас тойже.**

**[Византиево:]** Вертепе благоукрасися, / Агница бо грядет, чревоносящи Христа: / ясли же подымите, словом разрешившаго от безсловеснаго деяния нас земнородных. / Пастырие свирающе, / свидетельствуйте чудеси страшному: / и волсви от Персиды, / злато и ливан и смирну, Царю принесите: / яко явися Господь из Девы Матере. / Емуже и приникши рабски Мати поклонися, / и привещаше к держимому на объятиих Ея: / како всеялся еси Мне? / или како прозябл еси во Мне, избавителю мой и Боже?

### **Вход прокимен дне. Чтения 3 святых отец.**

#### **Бытия чтение. [Глава 14.]**

Слышав Аврам, яко пленен бысть Лот братанич его, сочте своих си домочадец, триста и осмьнадесять, и погна во след их даже до Дана. И нападе на ня нощию сам, и отроцы его с ним: и порази их, и гони их до Ховала, еже есть ошуюю Дамаска. И возврати всякаго коня Содомскаго, и Лота братанича своего возврати, и вся имения его, и жены и люди. Изыде же царь Содомский в сретение ему, повнегда вратитися ему от сеча Ходоллогоморскаго, и с царьми иже с ним, во удолю Савин: сие же бяше поле царево. И Мелхиседек царь Салимский изнесе хлеба и вино: бяше же священник Бога Вышняго. И благослови Аврама, и рече: благословен Аврам Богом Вышним, Иже созда небо и землю: и благословен Бог Вышний, Иже предаде враги твоя под руки тебе.

#### **Второго закона чтение. [Глава 1.]**

Во днех оных, рече Моисей к сыном Израилевым: видите, предах пред лицом вашим землю: вшедше наследуйте землю, юже клятса Господь отцем вашим, Аврааму и Исааку и Иакову дати им, и семени их по ним. И рекох к вам во время оно, глаголя: не возмогу един водити вас. Господь Бог наш умножил вы есть, и есте днесь яко звезды небесныя множеством. Господь Бог отец наших да приложит вам, яко да будете тысящами сугубо, и да благословит вас, якоже глагола вам. И взях от вас мужи мудры, и сведомы, и смыслены, и поставих их владети над вами тысященачальники, и стоначальники, и пятидесятоначальники, и десятоначальники, и писмовводители судиям вашим. И заповедах судиям вашим

во время оно, глаголя: разслушайте посреде братий ваших, и судите праведно посреде мужа, и посреде брата его, и посреде пришельца его. Да не познаете лица в суде, малому и великому судиши, и не устыдишися лица человеческого, яко суд Божий есть.

### **Второго закона чтение. [Глава 10.]**

**Во** днех оных рече Моисей к сыном Израилевым: Се Господа Бога твоего небо, и небо небесе, земля и вся елика суть на ней. Обаче отцы ваша произволи Господь любити я: и избра семя их по ним вас паче всех язык, в день сей. И обрежете жестосердие ваше, и выя ваша не ожесточите ктому. Ибо Господь Бог наш, сей Бог богов, и Господь господей: Бог великий, и крепкий, и страшный, Иже не дивится лицу, ниже возьмет дар. Творяй суд пришельцу, и сироте и вдове, и любит пришельца, дати ему хлеб и ризу. И возлюбите пришельца, пришельцы бо бесте в земли Египетстей. Господа Бога твоего да убоишися, и Тому единому послужиши, и к Нему прилепишися, и именем Его кленешися. Той хвала твоя, и Той Бог твой, Иже сотвори тебе великая и славная сия, яже видесте очи твои.

### **На литии стихиры предпразднства, на ряду, в котором числе сия Неделя поется, яже писаны на стиховне, глас 4.**

**Безмерная** мудрость Божия, / дом Себе паче ума от Девы созда Христос / и хочет в вертепе / и яслех безсловесных / плотию родитися паче смысла.

**Явился** еси пророком, Христе, / яко мощно бе видети Тя, / Зиждителя, в последних / же временах всем показался еси / человеком во граде Вифлееме, / Человек быв.

**Обтече,** возвещаючи звезда Солнце Правды Христа / звездословцем во граде Вифлееме, / и Ангели пастырем / ныне благовествуют, / с нимиже потецем, Богомудрии.

### **И отцев, глас 1:**

**Лучами** облиставшеся богоглаголения, / великоименитии пророцы, присно ублажаются, / и речения Духа плодоносяще, / неизреченное Рождество Христа Бога всем проповедаша, / законно же кончину прияша, / поживше жизнь пречудную.

### **Слава, глас 3.**

**[Германово:]** Праотцев собор, празднлюбцы приидите, / псаломски да восхвалим: / Адама праотца, Еноха, Ноа, Мелхиседека, Авраама, Исаака и Иакова: / по законе Моисея, и Аарона, и Иисуса, Самуила и Давида: / с нимиже Исаию, Иеремию, Иезекииля, и Даниила, дванадесять, / вкупе Илию, Елиссея, и всех: / Захарию, и Крестителя, и проповедавших Христа, / Жизнь и Воскресение рода нашего.

### **И ныне, предпразднства, глас тойже:**

**Благоукрасия** Вифлееме, отверзеся бо Едем: / готовися Евфрафо, обновляется бо Адам, и Ева с ним: / клятва бо разорися, спасение миру процвете, / и души праведных украшаются: / яко дар дароносия, вместо мира пение

приносяще, / спасение душевное, и нетление приемлюще. / Се бо в яслех возлежай, предповелевает пение духовное совершати, / вопиющим непрестанно: / Господи, слава Тебе.

**На стиховне стихиры воскресны:**

**Слава, глас 2. Самогласен:**

**[Киприаново:]** Радуйтесь пророцы честнии, / иже закон Господень добре учинивше, / и верою явльшися непобедимии столпи, и непреклоннии: / вы бо и ходатаи явистесь Новаго Завета Христова, / и преставльшесь к небеси, / Того молити умирити мир и спасти души наша.

**И ныне, предпраздства, глас тойже.**

**[Киприаново:]** Се время приближися спасения нашего, / готовися вертепе, Дева приближается родити: / Вифлееме земле Иудова, красуйся и веселися, / яко из тебе возсия Господь наш, / услышите горы и холми, и окрестныя страны Иудейския, / яко грядет Христос: / да спасет егоже созда человека, яко Человеколюбец.

**На благословении хлебов, тропарь:**

Богородице Дево радуйся: **[Дважды.]**

**Тропарь отцев, глас 2:**

Велия веры исправления, / во источнице пламене яко на воде упокоения, / святии трие отроцы радовахуся: / и пророк Даниил львом пастырь яко овцам являшесь. / Тех молитвами, Христе Боже, спаси души наша.

Буди имя Господне: **трижды, и чтение в толкованиих апостольских.**

## **НА УТРЕНИ,**

**на Бог Господь, тропарь воскресен, дважды:**

**Слава, тропарь отцев, глас 2:**

**Велия веры исправления, / во источнице пламене яко на воде упокоения, / святии трие отроцы радовахуся: / и пророк Даниил львом пастырь яко овцам являшеся. / Тех молитвами, Христе Боже, спаси души наша.**

**И ныне, предпраздства, глас 4:**

**Готовися Вифлееме, отверзися всем Едеме, / красуйся Евфрафо, яко древо живота в вертепе процвете от Девы: / рай бо Она чрево явися мысленный, / в немже Божественный сад: / от негоже ядше живи будем, / не якоже Адам умрем. / Христос раждается прежде падший возставити образ.**

**Таже обычныя кафисмы. Седальны воскресны, и Богородичны их.**

**По 1-м стихословии седальны воскресны,:**

**По 2-м стихословии, седальны воскресны,.**

**И чтение во Евангелии толковом,**

**По непорочнах тропари их. И ектенia.**

**Ипакои, глас 3:**

**Удивляя видением, орошая глаголании, / блистайся ангел мироносицам глаголаше: / что Живаго ищите во гробе? / воста истошивый гробы. / Гли Пременителя разумеите непременного. Рцыте Богови: / коль страшна дела Твоя, яко род спасл еси человеческий!**

**И чтение во Евангелии толковом, еже на ряду.**

**Степенна и прокимен гласа.**

**Евангелие воскресно, и прочее по ряду. Воскресение Христово: псалом 50. По 50-м псалме стихира воскресна.**

**Канон воскресен со ирмосом на 4: и предпраздства, на 4: и отцев на 6.**

**Канон воскресен. Гласа.**

**Песнь 1.**

**Канон предпраздства, глас 1.**

**Песнь 1.**

**Ирмос: Христос раждается, славите. / Христос с небес, срящите. / Христос на земли, возноситеся. / Пойте Господеву вся земля / и веселием воспойте, людие, / яко прославися.**

**Христа плотию младенствовавшего, Христа волею обнищавшего, Христа видима бывша грядет Дева в Вифлееме ныне родити: небо же и земля да радуются.**

Горы и холми възграйте, пророцы богогласнии ликуйте, людие и языцы воспещите: всех спасение и просвещение близ наста, во граде Вифлеемсте раждаемое.

**Богородичен:** Нищ Богатый бывает, обогащая иже злобою обнищавшия: Человек Бог познавается от Девы неискусобрачныя, кроме предложения. Все хвалами воспоем Его, яко прославися.

### **Канон отцев, глас 6.**

#### **Песнь 1.**

**Ирмос:** Волною морскою скрывшаго древле, / гонителя мучителя, / под землею скрыша спасенных отроцы: / но мы яко отроковицы, / Господеви поим, / славно бо прославися.

Днесь собор божественных отец Христова Рождество предпразднствует светло, и прописует сие преславная благодать: Авраам бо образ закона, и отроцы суть.

Древле приемлет Божество Едино Триипостасное священный Авраам, ныне же сопредостольное Слово Отчее Божественным Духом к детем приходит, славно восхваляемое.

Числом и верою Божественныя Троицы безбожие низвергше, в печи дети образы чувственными, сокровенныя Божия тайны миру проявиша.

Авраам избавися от руки неправедныя, пламене же пещнаго божественнии отроцы иногда, и Даниил пророк от зверей и рова спасеся: темже ныне Рождество христово предпразднуем.

**Богородичен:** Обрадованная безневестная Мати, Дево нетленная, блажим Тя: ибо от рода Авраамля, и племени Давидова процвела еси: Христа же родила еси, пророки проповеданнаго прежде.

**Катавасия:** Христос раждается, славите. / Христос с небес, срящите. / Христос на земли, возноситеся. / Пойте Господеви вся земля / и веселием воспойте, людие, / яко прославися.

#### **Песнь 3.**

##### **Ин.**

**Ирмос:** Прежде век от Отца рожденному нетленно Сыну / и в последняя от Девы Воплощенному безсеменно / Христу Богу возопиим: / вознесый рог наш, / Свят еси, Господи.

Иже прежде век из Отца рождся паче мысли, из Девы напоследок воплотися якоже весть Сам, хотя человечество обновити, истлевшее лукаваго змия советом.

Иже в вышних соседяй Отцу и Духу, смирившееся естество человеческое виде, Сын Божий безначальный начало приемлет, и хочет плотию родитися яко Человек.

**Богородичен:** Святейши ангел, и всея твари, совета великаго ныне Ангела без семени раждает плотию, на воззвание всем поющим непрестанно Ему: Свят еси, Господи.

**Отцем:**

**Ирмос:** Тебе на водах повесившаго всю землю неодолимо, / тварь видевши на лобном висима, / ужасом многим содрогашеся, / несть свят, разве Тебе, Господи, / зывающии.

**Ю**же по образу славу, и по подобию Божию верно соблюдающе, златаго образа пламень огнем духовным страдальчески угасиша отроцы, поюще: единого Господа знаем.

**М**удростию обложени и Духа силою отроцы, мудрецы Вавилонския пленении посрамиша, и дерзостне зываху: несть свят разве Тебе, Господи, Человеколюбче.

**Р**адуется и сликовствует с детьми и пророки закон, и предыграет Господню Божественному пришествию днесь, и Авраам радуется, яко от семени его виде Господа воплощаема.

**Богородичен:** Зачатие без страсти, приятие паче слова пройде, Рождества Твоего Богородице: пророки бо проповеданное паче естества таинство, нам явися Слово Божие, Сый Бог.

**Катавасия:** Прежде век от Отца рожденному нетленно Сыну / и в последняя от Девы Воплощенному безсеменно / Христу Богу возопиим: / вознесый рог наш, / Свят еси, Господи.

**Ипакон, глас 8.**

Ангел отроков ороси пещь, / ныне же жен плач разреши, глаголя: / что приносите мира? / Кого ищете во гробе? / Воста Христос и Бог: / есть бо жизнь и спасение рода человеческого. **[Единожды.]**

**И чтение.**

**Песнь 4.**

**Ин.**

**Ирмос:** Жезл из корене Иессеова, и цвет от него, Христе, / от Девы прозябл еси, из горы хвальный приосененная чащи, / пришел еси воплощся, / от Неискусомужных, / Невещественный Боже: / слава силе Твоей, Господи.

**Ж**езл из корене Иессеова Дево прозябла еси, цвет процветшая неувядаемый всех Содетеля землю цветами всю яко Бога украшающаго, вопиющую Ему: слава силе Твоей, Господи.

**С**недию мя окрадена лукавою, и разумом поползшася, и уподобльшася безсловесным, Слове Божий, пришел еси назидая, Младенец быв, и во яслех безсловесных возлег: слава силе Твоей, Господи.

**Богородичен:** Из горы приосененная, Иисусе, Девы Тя воплощенного Аввакум провиде, горы злыя и холмы сокрушающаго, и исчезновению предающа возношения лукаваго, и демонская возвышения.

**Отцев:**

**Ирмос:** На Кресте Твое Божественное истощание / провидя Аввакум, ужасся, вопияше: / Ты сильных пресека еси державу, Блаже, / приобщаяся сущим во аде, яко Всесилен.

**Отцев** начаток, Авраама, Исаака и Иакова почтим, яко из тех семени возсия Христос, воплощся из Девы яко всесилен.

**Прописуяй** будущая сошествию Христову Даниил, звери яко овцы показавшем яве: провиде бо будущее, яко пророк Божий.

**Греховным** не привлечени ядом, от пламене избавистесь дети. Злата бо чистейше суще мудрии, в печи прелести не слияшася.

**Богородичен:** Велегласно проповедуется ожидание языков, и спасение мира, паче естества Рождество Твое, Пречистая честная, Егоже поет отеческая память.

**Катавасия:** Жезл из кореня Иессеова, и цвет от него, Христе, / от Девы прозябл еси, из горы хвальный приосененная чащи, / пришел еси воплощся, / от Неискусомужных, / Невещественный Боже: / слава силе Твоей, Господи.

## **Песнь 5.**

**Ин.**

**Ирмос:** Бог сый мира, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставляшеся, / от нощи утренююще, славословим Тя, / Человеколюбче.

**Естеством** Владыка, в рабех совершенне, Сын Божий всесовершенный, благоволив за милосердие зватися и Сын Человеческий, всещедрый. Темже в вертепе волею обнищав, грядеши родитися, преблаже.

**Невместимый** естеством, Христе Царю, како малый Тя примет вертеп? Како ясли возмогут Тя вместити, нас ради от Матере неискусомужных плотию приходяща во Своя: яко да устранишися спасеши, Господи?

**Богородичен:** Агница Пастыря прииде родити, готовися, святой вертепе: пастырие, спешите, Пастыря и Агница рождающаго видети: волсви с дары уготовитесь, Сему яко Царю поклонитесь плотию.

**Отцев.**

**Ирмос:** Богоявления Твоего, Христе, / к нам милостивно бывшаго, / Исаия свет виде невечерний, / из нощи утреневав зываше: / воскреснут мертвии, / и востанут сущии во гробех, / и вси земнороднии возрадуются.

**Отцев** начаток, яко началовожда закона и благодати, от рода Авраамля днесь Даниила божественнаго почтим: яко пророк бо Божий предвозвести Христа от Девы, и Сего предусретае Божественное рождение.

**Прописавше** ясно к нам Господне пришествие, ангеловым сошествием угасиша Авраамстии отроцы пещь: и тучеросен огонь соделавше, в сем вероу образа златаго славу изнуриша.

**Загради** уста зверей Даниил в рове Духом: огненную же крепость угасиша Авраамстии отроцы благодатию: и спасшеся сии от тли, предвозвещают Христа из Девы, моляще яко Избавителя спасения нашего.

**Богородичен:** Божественным Духом являя от нас безстрастно Твое приятие, Исаиа вопияше, Господи, бодрствуя законом благодати: от рода убо Авраамля, от племени же Иудова по плоти Дева без семени грядет раждаючи.

**Катавасиа:**

## **Песнь 6.**

**Ин.**

**Ирмос:** Из утробы Иону младенца изbleва / морской зверь, якова прият: / в Деву же всельшееся Слово, / и плоть приемшее, пройде сохранившее нетленну, / егоже бо не пострадала истления, / Рождшую сохрани невреденну.

**Новое** небо сущи, Владычице, из утробы Твоя яко из облака Христа, славы Солнца, возсияти грядеши в вертепе плотию: яко хотяща сияньми Своими, светло вся земная исполнения озарити за милосердие безмерное.

**Видел** еси нашу болезнь и озлобление, щедрый Христе, и не презрил еси нас, но истощил еси Тебе Самаго, не отступив Родителя, и вселился еси во утробу неискусобрачную, яже неболезненно родити Тя плотию в вертепе предгрядет.

**Богородичен:** Горы и холми, и поля и дебри, людие и колена, языцы и всякое дыхание воскликните, веселия божественнаго исполняеми: прииде и приспе всех избавление Слово Божие безлетное, под летом за милосердие бывшее.

**Отцев:**

**Ирмос:** Житейское море / воздвигаемое зря / напастей бурею, / к тихому пристанищу Твоему притек вопию Ти: / возведи от тли живот мой, / Многомилостиве.

**Нрав** страннолюбив, вера же высока Авраама суща праотца: темже Божественное таинство образне прием радовашеся, пред Христом же текий ныне веселится.

**Тварь** повину ныне вера отроком, даром Зиждителя: огонь бо всеядец и безстудный, устыдеса чтущих огня делателя Иисуса Христа.

**Мира** свирепство пришествием Христовым сочислятся изъяви, к миру глубокому боголепно, заградив уста львов Даниил пророк в рове иногда.

**Богородичен:** Из ложеся родила еси девственных Христа, Марие Мати безмужная: Егоже пророцы видевшие духовне, Того предликовствуют ныне отцы рождественная.

**Катавасия:** Из утробы Иону младенца изблева / морской зверь, якова прият: / в Деву же всельшееся Слово, / и плоть приемшее, пройде сохраншее нетленну, / егоже бо не пострада истления, / Рождшую сохрани неврежденну.

### **Кондак, глас 1.**

#### **Подобен: Лик ангельский:**

**Веселися,** Вифлееме, Евфрафо готовися: / се бо Агница Пастыря великаго во утробе носящи, еже родити тщится. / Егоже зряци богоноснии отцы веселятся, / с пастырьми поюще Деву доящую.

**Икос:** Твоего Рождества, Дево, светлость зряще сияющую, Авраам боголюбивый, Исаак приснопамятный, Иаков, и весь богособранный лик святых радуется: и тварь приведоша к Твоему сретению радостными речении. Радости бо ходатаица всем явилася еси во утробе заченшая, иногда в Вавилоне виденнаго, и отроки в пещь неправедне вверженныя неопальны соблюдоша, и Тя показавшаго паче всякаго разума. Тем и воспевают зримаго в руках Юницы, поюще Деву доящую.

#### **И чтем Пролог.**

### **Песнь 7.**

#### **Ин.**

**Ирмос:** Отроцы благочестию совоспитани, / злочестиваго веления небрегше, / огненнаго прещения не убояшася, / но посреди пламене стояще пояху: / отцев Боже благословен еси.

**Лоза** Божественная нетленный грозд узревливши, ближащися идет родити, веселия вино точащаго, и напаяющаго нас Ему вопиющих: отцев наших Боже, благословен еси.

**Божественная** мироположница, благовонное миро внутрь носящи, в вертепе Вифлееми истощити сие грядет, благовония таинственнаго исполняющее поющия: отцев Боже, благословен еси.

**Богородичен:** Клеща юже Исаиа пророк древле виде, Божественный уголь Христа во чреве приходит имущи, всяку вещь греховную поपालающий, верных же души просвещающий.

#### **Отцев:**

**Ирмос:** Неизреченное чудо, / в пещи избавивый преподобныя отроки из пламене, / во гробе мертв бездыханен полагается, / во спасение нас поющих: / Избавителю Боже, благословен еси.

**Христа** родив по плоти, верою, родоначальниче отче Аврааме, явился еси языков Духом отец яве, во спасение нас поющих: Избавителю Боже, благословен еси.

**Бездушного** шума вотще восклицающего одушевленных посрами песнь: пещь бо огнем горящую телесы попирающе отроцы неврдно, Избавителю поют: Боже, благословен еси.

**Видением** возрев духовным, пророк древле Даниил, Христово яви второе пришествие, и яже в нем страшная предвозвещает, вопия: Избавителю Боже, благословен еси.

**Богородичен:** Странное чудо во пророцех повествуемое, и отцем древле явлено, Дева Чистая родити хотящи прииде, на спасение нас песнопющих: Избавителю Боже, благословен еси.

**Катавасия:** Отроцы благочестию совоспитани, / злочестиваго веления небрегше, / огненного прещения не убояшася, / но посреди пламене стояще пояху: / отцев Боже благословен еси.

## **Песнь 8.**

### **Ин.**

**Ирмос:** Чуда преестественнаго, / росодательная изобрази пещь образ, / не бо яже прият палит юныя, / яко ниже огонь Божества Девы, в Нюже вниде утробу. / Тем воспевающе воспоем: / да благословит тварь вся Господа, / и превозносит во вся веки.

Слава в вышних Богу, со ангелы возопиим в веселии, Спас рождается, Владыка приходит, Егоже звезда показывает, волсви тщатся Его в яслех видети: да благословит тварь вся Господа, и превозносит во вся веки.

С рабы написался еси вольно, Владыко, кесареву повинуюся закону: яко да человечество от работы лукаваго, Боже, свободиши, многомилостиве. Темже радующе воспеваем: да благословит тварь вся Господа, и превозносит во вся веки.

**Богородичен:** Младенца нова ношу Тя, безначальне Слове, искуса же мужеска отнюд не познах, Дева глаголаше недоумевающихся, кого на земли возыменую Твоего отца? не вем. Темже со всеми воспеваю Ти: да благословит тварь вся Господа, и превозносит во вся веки.

### **Отцев:**

**Ирмос:** Ужаснися бояйся небо, / и да подвижатся основания земли: / се бо в мертвцах вменяется в вышних Живый, / и во гроб мал странноприемлется. / Егоже отроцы благословите, / священницы воспойте, / людие превозносите во вся веки.

**Т**вое закление предызобразуя Авраам, Христе, егоже роди сына, на горе повинуюся Тебе, Владыко, якоже овча възде пожрети хотяй верою: но возвратися радуясь с ним, и слава и превознося Тя Избавителя мира.

**П**ламенем неутружденным, Христе, облечену Ти яко ризою Божественною, огонь святых отрок Твоих угаси зело, и роса Твоим низхождением поющим шумяше: священницы пойте, и превозносите Его во веки.

**Д**ается львом в снєдь, судом неправедным, пророк Даниил, но имяше повелением воздержания, спостники благочестно звери, во глубине ровища: того молитвами, Авраама же и отроков, спаси в мире, Христе, поющия Тя.

**Богородичен:** Егоже провозвестиша верно пророчестии гласи, Иисуса Еммануила, в человечесте образе грядуща: Божия и Отча, Сына же и собезначальное Слово, от Духа Святаго Дева Мариа раждает неискусомужно, в Вифлееме граде.

**Катавасиа:** Чуда преестественнаго, / росодательная изобрази пещь образ, / не бо яже прият палит юныя, / яко ниже огонь Божества Девы, в Нюже вниде утробу. / Тем воспевающе воспоем: / да благословит тварь вся Господа, / и превозносит во вся веки.

## **Песнь 9.**

### **Ин.**

**И ирмос:** Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

**Т**аинства странная, страшная и преславная, славы Господь прииде на землю и в вертеп обнищав вниде плотию, Адама въззвати ища, и Еву болезней избавити.

**П**еленами Твоими решиши пленицы грехопадений, многою же нищетою вся обогащаеши, Щедре: безсловесныя злобы, положся в ясли безсловесных, человеки изменяеши, Божий Слове пребезначальне.

**Богородичен:** Проповеди пророческия конец прияша: Егоже бо прорекоша приити в скончание лет, прииде и явися из Чистыя Девы воплощаемь. Того мыслию чистою приимем.

### **Отцев:**

**Ирмос:** Не рыдай мене, Мати, / зрящи во гробе, / Егоже во чреве без Семене зачала еси Сына: / востану бо и прославлюся и вознесу со славою, / непрестанно яко Бог, / верою и любовию Тя величающия.

**С**ущих прежде закона отцев праздник совершающе, от них Боголепно почтим Христа: Авраам бо купно и Исаак, и Иаков, пророков и закона явишася основание, и благодати верою Духа проповедницы.

Огнем показавый Моисею в купине, паче ума Боговидне таинство Бог, во огонь к детям снизшед Тойже, огнем естественным Божества Его пещный пламень росу показа.

Со Авраамом сошедшеся пресвятии дети, и Даниил дивный пророк Божий, Исаак и Иаков, с Моисеем и Аарон, Христова прежде рождества ликовствуют верно, молящися непрестанно, во еже спастися нам.

**Богородичен:** Срадуется вся тварь Твоему Рождеству, Дево, Едема бо Вифлеем отверзе нам. И се древа жизни вси наслаждающиеся верно, вопием прилежно: молитвы наша, Владычице, исполни.

**Катавасия:** Таинство странное вижу и преславное: / небо, вертеп: / престол херувимский, Дево: / ясли, вместилище, / в нихже возлеже / Невместимый Христос Бог, / Егоже воспевающе величаем.

**Светилен воскресен.**

**Слава, отцев.**

**Подобен: Учеником:**

Патриархов избранныи, и прежде закона отцы верою предвозсияша, Авраам, Исаак же и Иаков, яко светильницы: вси бо пророцы и праведницы возсияша от них яко свечи световидныя, и тварь всю лучами просветиша честнаго пророчества и прилежно молятся к Богу о мире.

**И ныне, Богородичен:**

Агница нескверная, Агница рождающая Слова пребезначальнаго в последняя времена, бяхе сие чудно: Адамова Внука и Давидова по достоянию, Еяже несказанное Рождество отцев множество предпразднствует достойно.

**На хвалитех стихиры, воскресны, 4: и отцев, 4.**

**Стихиры отцев, глас 5.**

**Подобен: Радуйся постников:**

**Стих:** Хвалите Его в тимпане и лице, хвалите Его в струнах и органе.

Возвыси твой глас истинно, / Сионе Божественный граде, / и проповеждь отцев божественную память, / со Авраамом Исаака и Иакова почитающи приснославнаго: / се со Иудою и Левием величаем Моисеа великаго, / и Аарона чуднаго, и почитаем с Давидом Иисуса, / и Самуила вси, предпразднеству Христову Божественную похвалу, / песнями божественными плещущи, / яже от Него благодать улучити просим, / и миру даровати велию милость.

**Стих:** Хвалите Его в кимвалех dobroгласных, хвалите Его в кимвалех восклицания: всякое дыхание да хвалит Господа.

Возвыси твой глас истинно, / Сионе Божественный граде, / и проповеждь отцев божественную память, / со Авраамом Исаака и Иакова почитающи

приснославнаго: / се со Иудою и Левием величаем Моисеа великаго, / и Аарона чуднаго, и почитаем с Давидом Иисуса, / и Самуила вси, предпразднеству Христову Божественную похвалу, / песнями божественными плещуще, / яже от Него благодать улучшить просим, / и миру даровати велию милость.

**Стих:** **Благословен еси, Господи Боже отец наших, и хвально и прославлено имя Твое во веки.**

Гряди на огненную / иногда возседый Илие божественную колесницу: / и богомудре Елиссее, со Езекиею во едино, / Осие купно срадуйтесь: / честная же двенадцатице пророков богодохновенная, / Рождеству Христову сликовствуйте. / и в песнях вси праведнии воспойте отроцы всеблаженнии, / росую Духа угасивший пламень пещный, / о нас молитесь Христа, низпослати душам нашим велию милость.

**Стих:** **Яко праведен еси о всех, яже сотворил еси нам.**

Явися яже от века на земли проповедаемая / пророки в вещаниих, Дева Богородица: / Юже патриарси мудрии, и праведных собор возвещают. / с нимиже сликовствует и жен благолепие: / Сарра, Ревекка, Рахиль и Анна же, и славная Мариам Моисеева купно. / С ними срадуются и мира концы, / вся тварь почитает, / яко Зиждитель всех и Бог приходит плотию родиться, / и даровати нам велию милость.

### **Слава, глас 8:**

Законных учений сословие, / во плоти являет Христово Божественное Рождество, / прежде закона благодать благовествующия, / яко паче закона в вере сущия. / Темже тления изменению сущу ходатайственно, / во аде держимых душам предпроповедяху Воскресния ради, / Господи, слава Тебе.

**И ныне:** Преблагословена еси, Богородице Дево:

**Славословие великое. По Трисвятом тропарь воскресен точию. И отпуст. Стихира евангельская, в притворе.**

И час 1. И конечный отпуст. На часех тропарь воскресен гласа. Слава, отцев: И ныне, Богородичен часов. На 3-м часе тропарь воскресен. Слава, предпраздства: И ныне, Богородичен часов. Кондак предпраздства, и отцев, глаголи пременяя.

## НА ЛИТУРГИИ:

Блаженна воскресна гласа, на 4: и отцев песнь 3-я, на 4: и предпразднства песнь 6-я, на 4.

**Во Царствии Твоем помяни нас, Господи, егда приидеши во Царствии Твоем.**

**Блажени нищии духом, яко тех есть Царство Небесное.**

**Блажени плачущии, яко тии утешатся.**

**Блажени кротции, яко тии наследят землю.**

**Блажени алчущии и жаждущии правды, яко тии насытятся.**

**Блажени милостивии, яко тии помиловани будут.**

**Ю**же по образу славу, и по подобию Божию верно соблюдающе, златаго образа пламень огнем духовным страдальчески угасиша отроцы, поюще: единого Господа знаем.

**Блажени чистии сердцем, яко тии Бога узрят.**

**М**удростию обложени и Духа силою отроцы, мудрецы Вавилонския пленении посрамиша, и дерзостне зываху: несть свят разве Тебе, Господи, Человеколюбче.

**Блажени миротворцы, яко тии сынове Божии нарекутся.**

**Р**адуется и сликовствует с детьми и пророки закон, и предыграет Господню Божественному пришествию днесь, и Авраам радуется, яко от семени его виде Господа воплощаема.

**Блажени изгнани правды ради, яко тех есть Царство Небесное.**

**З**ачатие без страсти, приятие паче слова пройде, Рождества Твоего Богородице: пророки бо проповеданное паче естества таинство, нам явися Слово Божие, Сый Бог.

**Блажени есте, егда поносят вам, и изженут, и рекут всяк зол глагол на вы лжуще Мене ради.**

**Н**овое небо сущи, Владычице, из утробы Твоея яко из облака Христа, славы Солнца, возсияти грядеши в вертепе плотию: яко хотяща сияньми Своими, светло вся земная исполнения озарити за милосердие безмерное.

**Радуйтесь и веселитесь, яко мзда ваша многа на небесех.**

**Н**овое небо сущи, Владычице, из утробы Твоея яко из облака Христа, славы Солнца, возсияти грядеши в вертепе плотию: яко хотяща сияньми Своими, светло вся земная исполнения озарити за милосердие безмерное.

**Слава:** **В**идел еси нашу болезнь и озлобление, щедрый Христе, и не презрил еси нас, но истоцил еси Тебе Самаго, не отступив Родителя, и вселился еси во утробу неискусобрачную, яже неболезненно родити Тя плотию в вертепе предгрядет.

**И ныне, Богородичен:** Горы и холми, и поля и дебри, людие и колена, языцы и всякое дыхание воскликните, веселия божественнаго исполняеми: прииде и приспе всех избавление Слово Божие безлетное, под летом за милосердие бывшее.

**По входе тропари:** воскресен, и отцев, и предпразднства. Слава, кондак отцев. И ныне, предпразднства.

### **Тропарь отцев, глас 2:**

Велия веры исправления, / во источнице пламене яко на воде упокоения, / святии трие отроцы радовахуся: / и пророк Даниил львом пастырь яко овцам являшеся. / Тех молитвами, Христе Боже, спаси души наша.

### **Тропарь предпразднства, глас 4:**

Готовися Вифлееме, отверзися всем Едеме, / красуйся Евфрафо, яко древо живота в вертепе процвете от Девы: / рай бо Она чрево явися мысленный, / в немже Божественный сад: / от негоже ядше живи будем, / не якоже Адам умрем. / Христос раждается прежде падший возставити образ.

### **Кондак отцев, глас 1.**

Веселися, Вифлееме, Евфрафо готовися: / се бо Агница Пастыря великаго во утробе носящи, еже родити тщится. / Егоже зрящи богоноснии отцы веселятся, / с пастырьми поюще Деву доящую.

### **Кондак предпразднства, глас 3:**

Дева днесь Превечное Слово / в вертепе грядет родити неизреченно: / ликуй вселенная услышавши, / прослави со ангелы и пастырьми, / хотящаго явитися Отроча младо Превечнаго Бога.

### **Прокимен, глас 4. Песнь отцев:**

**Прокимен:** Благословен еси, Господи Боже отец наших, \* и хвально и прославлено имя Твое во веки.

**Стих:** Яко праведен еси о всех, яже сотворил еси нам.

### **Апостол ко Евреом, зачало 328. [Евр. 11; 9 – 10, 17 – 23, 32 – 40.]**

**Брати:** Вѣрою прїиде авраамъ на зѣмлю ѡбѣтованїа, ѡкоже на чѣждѣ, въ крѡвы вселиса со їсаакомъ и їаковомъ снаслѣдникомѡ ѡбѣтованїа тогоуде: ждѡше во ѡснованїа имѣцагѡ града, емѣже хѣдожникъ и содѣтель бѣ. Вѣрою приведе авраамъ їсаака искѡшаемъ, и единороднаго приношаше, ѡбѣтованїа прїемый, къ немѣже глагола бысть: ѡкоже ѡ їсаацѣ наречѣтса тебѣ сѣмѡ: помысливъ, ѡкоже и изъ мѣртвѣхъ воскрѣснн сїленъ (ѣсть) бѣ, тѣмже того и въ прїтчѣ прїлчѣ. Вѣрою ѡ градѣцихъ благословнї їсаакъ їакова и їсѡва. Вѣрою їаковъ ѡмираа когѡждо сына їѡсифова благословнї и поклониса на верхъ жезла ѣго. Вѣрою їѡсифъ ѡмираа ѡ исхожденїи сынѡвъ їлєвѣхъ пѡмѡтствова и ѡ костѣхъ своїхъ заповѣда. Вѣрою

мѡѡсѣй родѣвса сокровѣнъ вѣсть трѣ мѣы ѿ Ѡтѣцъ своѣхъ, занѣ вѣдѣша красно Ѡтроча ѿ не ѡубоѡшася повелѣнѣа царѣва. **И** что ѣще глаголю; **Не** достанетъ бо мѣ повѣствѣющѣ времѣне ѡ гедѣѡнѣ, варацѣ же ѿ самѡѡнѣ ѿ ѣфѡѡи, ѡ дѣдѣ же ѿ самѡѡнѣ, ѿ ѡ (дрѡгѣхъ) прѣрѡцѣхъ, ѿже вѣрою повѣдѣша царствѣа, содѣлаша прѡвдѣ, полѡчѣша ѡвѣтовѡнѣа, заградѣша ѡуста львѡвѣ, ѡгасѣша силѡ Ѡгненнѡю, ѿзвѣгѡша Ѡстрѣа мечѡ, возмогѡша ѿ немоци, бѣша крѣпцы во бранѣхъ, ѡбратѣша въ вѣгствѡ полкѣ чѡждѣхъ: прѣлаша женѣы ѿ воскресѣнѣа мѣртвѡхъ своѣхъ: ѿнѣи же ѿзвѣени бѣша, не прѣѣмше ѿзбавленѣа, да лѡчшее воскрѣнѣе ѡлѡчѣтъ: дрѡзѣи же рѡганѣемъ ѿ рѡнами ѿскѡшенѣе прѣлаша, ѣще же ѿ ѡзѡми ѿ темнѣцею, кѡменѣемъ повѣени бѣша, прѣтрѣни бѣша, ѿскѡшѣни бѣша, ѡубѣйствомъ мечѡ ѡмрѡша, прѡидѡша въ мѣлѡтѣхъ (ѿ) въ кѡзѣахъ кѡжахъ, лишѣни, скорбѡце, ѡслѡблени: ѿхже не вѣ достѡннъ (вѣсь) мѣръ, въ пѡстынѣхъ скитѡющеся ѿ въ горѡхъ ѿ въ вертѣпахъ ѿ въ прѡпастѣхъ земнѣхъ. **И** сѣи всѣ послѡдшѣствани бѣвше вѣрою, не прѣлаша ѡвѣтовѡнѣа, бѣлѣ лѡчшее что ѡ насъ прѣдзрѣвшѡ, да не вѣзъ насъ совершенство прѣѣмѡтъ.

#### Аллилуиа, глас 4.

**Стих:** Боже, ушима нашими услышахом, и отцы наши возвестиша нам.

**Стих:** Спасл еси нас от стужающих нам.

#### Евангелие от Матфея, зачало 1. [Мф. 1; 1 – 25.]

Кнѣга родствѡа ѿиса хрѣтѡа, сѣа дѣдова, сѣа ѡвраѡмѡа. **Ѡ**враѡмъ родѣ ѿсаѡка. ѿсаѡкъ же родѣ ѿѡквѡа. ѿѡквѡвъ же родѣ ѿдѡ ѿ братѣю ѣгѡ. ѿдѡ же родѣ фарѣса ѿ зарѡ ѿ ѡамѡры. **Ф**арѣсъ же родѣ ѣсрѡма. ѣсрѡмъ же родѣ ѡрама. **Ѡ**рамаъ же родѣ ѡмѣнадѡва. **Ѡ**мѣнадѡвъ же родѣ наассѡна. **Н**аассѡнъ же родѣ салмѡна. **С**алмѡнъ же родѣ воѡза ѿ рахѡвы. **В**оѡзъ же родѣ ѡвѣда ѿ рѡбы. ѡвѣдъ же родѣ ѣссѣа. **Ѣ**ссѣй же родѣ дѣда царѡа. **Д**ѣдъ же царѣ родѣ солѡмѡна ѿ ѡрѣины. **С**олѡмѡнъ же родѣ ровѡама. **Р**овѡамъ же родѣ ѡвѣю. **Ѡ**вѣя же родѣ ѡсѡ. **Ѡ**сѡ же родѣ ѿсафѡтта. **Ѣ**сафѡттъ же родѣ ѿврама. **Ѣ**врамаъ же родѣ ѡзѣю. **Ѡ**зѣя же родѣ ѿваѡама. **Ѣ**ваѡамъ же родѣ ѡхаза. **Ѡ**хазъ же родѣ ѣзекѣю. **Ѣ**зекѣя же родѣ манассѣю. **М**анассѣя же родѣ ѡмѡна. **Ѡ**мѡнъ же родѣ ѿсѣю. **Ѣ**сѣя же родѣ ѣхѡнѣю ѿ братѣю ѣгѡ, въ прѣселѣнѣе вавѣлѡнское. **П**о прѣселѣнѣи же вавѣлѡнствѣмъ, ѣхѡнѣя родѣ салаѡниа. **С**алаѡниъ же родѣ зорѡвѡвелѡа. **З**орѡвѡвелъ же родѣ ѡвѣда. **Ѡ**вѣдъ же родѣ ѣлѡакѣма. **Ѣ**лѡакѣмъ же родѣ ѡзѡра. **Ѡ**зѡръ же родѣ садѡка. **С**адѡкъ же родѣ ѡхѣма. **Ѡ**хѣмъ же родѣ ѣлѡда. **Ѣ**лѡдъ же родѣ ѣлеазѡра. **Ѣ**леазѡръ же родѣ матѡѡна. **М**атѡѡнъ же родѣ ѿѡквѡа. **Ѣ**ѡквѡвъ же родѣ ѿѡсѣфа, мѣжа мѣрѣина, ѿзъ неѡже родѣсѡ ѿисъ, глаголемѣй хрѣтѡсъ.

**Всѣхъ** же родѡвъ ѿ авраама до двѣа родове четыренáдесатѣ: и ѿ двѣа до преселѣнїа вавлѡнскаго родове четыренáдесатѣ: и ѿ преселѣнїа вавлѡнскаго до хрѣта родове четыренáдесатѣ. иисъ хрѣтово ржѣтво сице бѣ: ѡбрѣченнѣи во бѣвши мѣри егѡ мѣри иѡсифови, прѣжде даже не снѣтиса йма, ѡбрѣтеса ймѣци во чрѣвѣ ѿ дха сѣа. иѡсифъ же мѣжъ еа, прѣвнъ сѣи и не хота еа ѡбличѣти, восхотѣ тай пѣстѣти ю. **Сїа** же емѣ помыслившъ, сѣ, аггѣль гдѣнь во снѣ явѣса емѣ, глагола: иѡсифе, сѣне двѣдовъ, не ѡубѡйса прѣлѣти мѣрамъ женѣ твоєа: рѣдшеся въ неѣ, ѿ дха естѣ сѣа: родѣтъ же сѣа, и наречѣши йма емѣ иисъ: той бо спсѣтъ люди своа ѿ грѣхъ ихъ. **Сїе** же всѣ бѣсть, да свѣдетса рѣченное ѿ гдѣа прѣрокомъ, глаголющимъ: сѣ, двѣа во чрѣвѣ прѣиметъ и родѣтъ сѣа, и нарежѣтъ йма емѣ емманѣиль, еже естѣ сказаемо: съ нами бѣтъ. **Воставъ** же иѡсифъ ѿ снѣа, сотвори йкоже повелѣ емѣ аггѣль гдѣнь, и прѣлѣтъ женѣ своѣ, и не знааше еа, дѡндеже родѣ сѣа своего пѣрвенца, и наречѣ йма емѣ иисъ.

**Причастен:** Хвалите Господа с небес:

**Другий:** Радуйтесь праведнии о Господе:

Аще случится Неделя святых отец в предпразднство, внутрь 20-го дне: Сиречь в 20, 21, 22, и в 23 день, бывает служба сице:

На Малей вечерни: Стихиры воскресны, и Богородицы, по обычаю.

На Велицей вечерни: На Господи воззвах стихиры воскресны 3 и анатоліев 1: и предпразднства 3, глас 6. Подобен: Всю отложивше: И отцев 3, глас и подобен тойже. Слава, глас 6: Даниил муж желаний. И ныне, предпразднства, глас тойже: Вертепе благоукарася: Вход, прокимен дне, и чтения 3 отцев: На литии: Стихиры предпразднства на ряду, коего дне Неделя сия поетса, стиховныя: И отцев, глас 1: Лучами облиставшеся: Слава, глас 3: Праотцев собор: И ныне, предпразднства, глас тойже: Благоукарася Вифлееме: На стиховне стихиры воскресны. Слава, глас 2: Радуйтесь пророцы: И ныне, предпразднства, глас тойже: Се время приближися: На благословении хлебѡв: тропарь, Богородице Дево, дважды: и отцев: Велия веры: единожды. Буди имя Господне: трижды, и чтение в толкованиих апостольских.

На Утрени: На Бог Господь, тропарь воскресен дважды: Слава, отцев, глас 2: Велия веры: И ныне, предпразднства, глас 4: Готовися Вифлееме: обычныя кафисмы, и седальны воскресны, и Богородичны их, и чтение во Евангелии толковом, еже от Матфеа, в самом начале: Книга родства Иисуса Христа: По Непорочнах тропари их: Ангельский собор. Ипакѡи, и чтение во Евангелии толковом, еже на ряду. Степенна гласа. Прокимен, Всякое дыхание: Евангелие воскресно. И Воскресение Христово: По 50-м псалме стихира воскресна. Канон воскресен со ирмосом на 4: и предпразднства, на 4: и отцев на 6. Катавасиа, Христос раждается: По 3-й песни ипакѡи отцев, глас 8, Ангел отроком ороси

пещь: и чтение. По 6-й песни, кондак, глас 1. Подобен: Лик ангельский: Веселися Вифлееме, Евфрафо готовися, се бо Агница Пастыря великаго во утробе носящи, еже родити тщится: Егоже зряще богоноснии отцы веселятся, с пастырьми поюще Деву доящую. И икос. И чем Пролог. По 9-й песни: Свят Господь Бог наш. Светилен воскресен. Слава, отцев: и ныне, предпраздства. На хвалитех стихиры воскресны 4, и отцев 4, глас 5. Подобен: Радуйся: Слава, отцев, глас 8: Законных учений: И ныне, Преблагословенна еси, Богородице Дево: Славословие великое. Тропарь воскресен. Ектении и отпуст. Стихира евангельская, в притворе, и час 1. И конечный отпуст.

На Литургии: Блаженна гласа, на 4: и отцев от канона песнь 3, на 4: и предпраздства песнь 6, на 4. По входе тропарь воскресен, и отцев, и предпраздства: Слава, кондак отцев. И ныне, предпраздства. Прокимен, песнь отцев, глас 4: Благословен еси, Господи Боже отец наших, и хвально и прославлено имя Твое во веки. Апостол ко Евреем, зачало 328. Аллилуиа, глас 4: Боже ушима нашими: Евангелие Матфеа, зачало 1: ряд же Недели оставляется. Причастен: Хвалите Господа: Другий: Радуйтесь: